



Broj: 05/01-04-5869-182/24
Sarajevo, 26.07.2024. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu, dostavlja se, -
Veza: Vaš akt broj: 01-04-5869-45/24 od 07.03.2024. godine

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je 12.03.2024. godine na nadležno postupanje zaprimilo Vaš akt broj: 01-04-5869-45/24 sa prilogom zastupničke inicijative zastupnica Arijane Memić i Elze Gaković.

Zastupnice Arijana Memić i Elza Gaković, su u skladu sa članovima 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka), na 14. radnoj sjednici Skupštine Kantona Sarajevo održanoj 26.02.2024. godine, u okviru tačke Dnevnog reda "Poslanička / zastupnička pitanja, inicijative i odgovori" uputile zastupničku inicijativu, koja glasi:

Prema: Ministarstvo za rad, socijalnu politiku, raseljena lica i izjegllice Kantona Sarajevo

Podnosimo zastupničku inicijativu kao članice Komisije za rad i socijalnu politiku Kantona Sarajevo za rješavanje putne komunikacije do JU Terapijska zajednica Kampus kao i rješavanje problema sa vodosnabdjevanjem ove ustanove.

Obrazloženje:

Putna komunikacija do JU Terapijska zajednica Kampus je u jako lošem stanju a u zimskom periodu je, prema riječima direktora i uposlenika, apsolutno nemoguća.

Do Kampusa vodi više od kilometar prašnjavog, neasfaltiranog puta.

Zbog svega navedenog, neophodna je hitna intervencija, kako Općine tako i resornog ministarstva. Vodosnabdjevanje je neriješeno a potrebe su izuzetno velike te neriješeno vodosnabdjevanje pogotovu u ljetnom periodu dovodi do poteškoća u funkcionisanju ove ustanove.

Odgovor

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo se u vezi ove zastupničke inicijative, za izjašnjenje obratilo KJKP "Vodovod i kanalizacija" d.o.o. Sarajevo, aktom broj: 05/01-04-5869-108/24 od 27.03.2024.godine. KJKP "Vodovod i kanalizacija" d.o.o. Sarajevo se očitovalo aktom broj: 2753/24 od 13.05.2024.godine, i dopunom akt broj: 4802/24 od 04.06.2024.godine, gdje navode da postoji mogućnost snabdjevanja



vodom predmetnog objekta iz zone rezervora Stubline (kdr 651.8 m.n.n), ali da je potrebno izgraditi javnu vodovodnu mrežu profila DN 100 mm u dužini cca 700 m.

Dodatno, navode da je projektnu dokumentaciju javne vodovodne mreže potrebno dostaviti KJKP "Vodovod i kanalizacija" d.o.o. Sarajevo na saglasnost i ovjeru, te da će izgradnja cjevovoda treba biti predmet izdavanja građevinske dozvole, a nakon izvršenog tehničkog prijema radova i izdavanja upotrebne dozvole, novopoloženi cjevovod je potrebno predati KJKP "Vodovod i kanalizacija" d.o.o. Sarajevo na upravljanje i održavanje, kao krajnjem korisniku.

Projekat je potrebno izraditi u skladu sa Pravilnikom o tehničkim uslovima kod projektovanja i izvođenja javne vodovodne mreže u nadležnosti KJKP "Vodovod i kanalizacija" d.o.o. Sarajevo. Također, prije priključenja objekta na novoizgrađeni cjevovod DN 100 mm potrebno je izraditi Glavni projekat priključnih i unutrašnjih instalacija i isti dostaviti KJKP "Vodovod i kanalizacija" d.o.o. Sarajevo na saglasnost i ovjeru.

S poštovanjem.



Prilozi: navedeno.

Dostaviti:

1. Skupština Kantona Sarajevo,
- ② Stručna služba Vlade KS – na znanje,
3. Lice za koordinaciju izrade odgovora na poslanička/zastupnička pitanja i inicijative – na znanje,
4. Evidencija,
5. Arhiva.

